

**Sanaartornermut ataatsimiititaliamit**

**ISUMALIUTISSIISUT.**

**Ukununnga tunngasoq**

**Nunarput tamakkerlugu kommunit suleqatigalugit angerlarsimaffeqanngitsunut  
angerlarsimaffiugallartussanik 100-nik sanaartornissaq qulakkeeriarlugu  
siunnersuummik aningaasaleeriaatsimik imaqartumik kingusinnerpaamik UKA 2017-  
imi Naalakkersuisut saqqummiussinissaat pillugu Inatsisartuni aalajangiiffigisassatut  
siunnersuut**

**[UKA2016/44]**

*(Saqq.: Inatsisartunut ilaasortaq Mimi Karlsen, Inuit Ataqatigiit)*

**AAMMA**

**Utoqqarnut sammititanik siunissami pisortat sanaartortarnissaannut aaqqiissutissamik  
innersuussisumik Naalakkersuisut kingusinnerpaamik UKA 2017-imi nassuiaammik  
saqqummiussinissaannik peqquneqarnissaannik Inatsisartuni aalajangiiffigisassatut  
siunnersuut.**

**[UKA2016/138]**

*(Saqq.: Inatsisartunut ilaasortaq Ane Hansen, Inuit Ataqatigiit)*

**Siunnersuutit aappassaaneernerinut tunniunneqartoq**

Suliarinerini ataatsimiititaliaq ukuninnga inuttaqarpoq:

Inatsisartunut ilaasortaq Anders Olsen, Siumut, siulittaasoq

Inatsisartunut ilaasortaq Kalistat Lund, Inuit Ataqatigiit, siulittaasup tullia

Inatsisartunut ilaasortaq Jens-Erik Kirkegaard, Siumut

Inatsisartunut ilaasortaq Ane Hansen, Inuit Ataqatigiit

Inatsisartunut ilaasortaq Justus Hansen, Demokraterne

Aamma

Inatsisartunut ilaasortaq Peter Olsen, Kalistat Lundimut Inuit Ataqatigiinneersumut  
sinniisussatut.

Inatsisartunut ilaasortaq Karl Kristian Kruise, Siumut, Justus Hansenimut  
Demokratineersumut sinniisussatut

UKA 2016-imi ulloq 5. oktober siullermeerereermermi siunnersuutit ataatsimiititaliap  
misissorpai.

**Siunnersuutit imai aamma siunertai**

Siunnersuutini marluusuni isummorsorfigineqartut tassaapput nunami innuttaasut ineqarnissamut isumannaarunnissaannut Naalakkersuisut aamma kommunit sulianik naammassiniaaneranni Inatsisartut assigiinngitsutigut sulissuteqarnerisigut qanoq kaammattuisoqarsinnaanera tapersersuisoqarsinnaaneralu.

**Siunnersuutit Inatsisartunit siullermeerneqarnerat**

Innutaaqativut ineqarnissamut tamatigut pitsaanerpaamik periarfissinneqarnissamik isumannaarunneqartannginnerat partiit akornanni nalinginnaasumik isumaqataaffigineqarpoq. Peqatigisaanik isumaqataaffigineqarpoq, ilaqutariit akornanni inuusuttugunik utoqqaagunilluunniit inigisap pingaaruteqartutut inissisimanagera, kiisalu namminerisamik inigisami sapinngisaq malillugu sivisunerpaamik ineqarsinnaanerup pingaaruteqarnera.

UKA 2016/044-imut immikkut tunngasoq

Pineqartumi ilisimasanik amerlasuunik pissarsisoqareersimanera siunnersuuteqartup suliaani takuneqarsinnaavoq. Misissuinerit assigiinngitsut takutippaattaaq angerlarsimaffeqannginneq assigiinngitsunik pissuteqarsinnaasoq, taamaalillunilu tamatumani inissianik amigaaateqavinneq apeqqutaasariaqanngitsoq.

Nalornissutit tamakku tunngavigalugit siunnersuut Sanaartornermut ataatsimiititaliami suliassanngortinneqarpoq.

**Ataatsimiititaliap siunnersuutiniq suliaqarnera**

Immikkoortut marlut ataatsikkut ingerlanneqartut ataatsikkut sammineqartariaqanngikkaluartut siunnersuutit misissornerini maluginiarneqarpoq, tassami immikkoortut ataqatigiinnerannut taamaallaat inissiat pineqarmata.

Ineqarnermik pilersaarutit neriorsuutigineqarsimasutut piareersimasuuppata, taava siunnersuutigineqartoq nassuiaateqarfigineqareersimassagaluarpog.

Ataatsimiititaliap maluginiarpa, siunnersuuteqartut ataatsimut isigalugu inissiat amigaataanerannut aarleqquteqarnerat Naalakkersuisunit isumaqataaffigineqartoq, kiisalu ineriartornerup takutikkaa utoqqaat amerliartuinnartut, ukiunilu 2000-p aallartinnerani ukiuni qulini siullerni angerlarsimaffeqanngitsut amerlassusiat annikitsuinnarmik qaffassimasoq, maannakkullu naligiikannilersimasutut isikkoqartut ikiliartorpasillutilli.<sup>1</sup> Siunissami inissianik sanaartornissamik pilersaarusernermi inuiaqatigiit katitigaanerisa allanngoriartornerat kiisalu

<sup>1</sup> SBI2013:12 Kalaallit Nunaanni angerlarsimaffeqanngitsut, qupp. 211.

inigiſamut akiliummik assiġinngisitsilluni inissiat assiġinngitsunik angissusillit pilersaarusiornermi apeqqutaatinneqartarnissaat taamaalilluni ataatsimiititaliap ilalernartippaa.

Ataatsimiititaliap paasinninnera malillugu najukkami pineqartumi inissianik sanaartornerit nutaat kiisalu inissiat nutarterneqartut amerlassusiat innuttaasut agguataarnerisa allanngoriartornerat aallaavigalugu pisariaqartitsinerit Ineqarnermik pilersaarusiassami ilarpassuilu ilanngullugit naleqqussagaassasut tunngaviliunneqassasullu.

Ataatsimiititaliap soqutigalugu paasivaa, Naalakkersuisoqarfik inissialiortiternerit nutaanerusut ilaanni – inissiatut tamatigoortut taaneqartuni – aaqqiissutissanik ineriartortitsisimammat, sanaartukkanik kinguaariinnit tamanit, ilaqutariinnit inuusuttuniit utoqqarnut kisermaanut atorneqarsinnaasunik ilusilersuisimalluni, taamaalillunilu assiġinngisitaartumik ilusiliisinnaaneq pingaartinneqartoq.

### **Siunnersuutit aningaasatigut kingunissai**

Inatsisartut suleriaasianni § 33, imm. 1-imi allassimavoq, aalajangiiffiġisassatut siunnersuut tunngavilersugaassasoq siunnersuutillu aningaasatigut allaffissornikkullu kingunerisassai allaaserineqarsimassasut.

Ataatsimiititaliap maluginiarpaa tamanna naapertorlugi siunnersuutip piviusunngornerani aningaasaqarnikkut kingunissai allaaserineqarsimasut, taamaalillunilu siunnersuutinu marluusunut siunnersuutit aningaasatigut allaffissornikkullu kingunissai tassaassallutik AC-mi sulisitap ukiumut suliaasa affai aamma AC-mi sulisitap ukiumut suliaasa affai, siunnersuutillu marluusut akuerineqassappata tamanna kr. 0,75 mio.-nik naleqassasoq. Ataatsimiititaliallu isumaa malillugu aningaasanut inatsimmut ilanngutinngikkaluarlugi, naalakkersuisoqarfimmi aningaasatigut missingersuusiani killiliussanit akilerneqarsinnaanerannit annertunerusutut naatsorsuutigineqartoq.

### **Ataatsimiititaliap inassutai**

Imm. UKA 2016/44-mut atatillugu ataatsimiititaliap tunngaviliussaa tassaavoq, inassutigineqartoq tassaanngitsoq inissianut 100-norpiaq aningaasalersueriaasissaq, kisiannili tigussaasumik pisariaqartitsineq kommunit suleqatigalugit paasiniarneqassasoq.

Taamatut paasinnilluni siunnersuutip 44-p akuerineqarnissaa ataatsimiititaliap inassutigaa.

Aamma

EM2016/044+138

J.nr. 01.37.01.03-00108

J.nr. 01.37.01.03-00109

21. oktober 2016


UKA 2016/044

UKA 2016/138


Imatut paasinnilluni matumuunakkut inassutigineqarpoq, nassuiaatissatut siunnersuutigineqartumut saqqummiussinissamat piffissaliineq sioqqullugu Ineqarneqarnermik pilersaarusiassaq ilaatigut saqqummiunneqassammat, ilaatigullu pisortanit inissialiortitsinerit pillugit pilersaarutinik ujartorneqartunik taanna imaqqassammat, kiisalu utoqqarnut amerliartuinnartunut inissianik pisariaqartitsineq naapertorneqassammat; taamaattumik,


Ataatsimiititaliap isumaqatigiittup tamanna tunngavigalugu inassutigaa siunnersuut 138 akuerineqassasoq.


Taamatut oqaaseqarluni isumaliutissiisummilu allassimasutut paasinnilluni Ataatsimiititaliap siunnersuut aappassaaniigassanngortippaa.




Kalistat Lund,  
siulittaasup tullia

  
Anders Olsen, siulittaasoq

  
Jens-Erik Kirkegaard

  
( Justus Hansen )

  
Ane Hansen